

***CARITAS IN VERITATE* LUNGNGAIHNA!**

Deus Caritas Est - Pasion in Itna Hi, cih pen Pope Benedict XVI na ii amasa penpen *Encyclical* (Pope honghilh na Laipi) ahihi. Tua tawh kizomin, *Caritas in Veritate* - Itna in Thuman thutak tawh nungta - cih hongat leuleu hi. Hi *Caritas in Veritate* sungah Alianbel Siampipa honghilhna thu in, tuhun tulai takin, leitung muntuamtuam ah liangko kikimlohna, thu neihna zatkhialhna te hangin muntuamtuam gam tuamtuam te ah haksat gentheihna kithuaka, tua te tungah bangci gualzawh kikding cihthu ahihi. Banghanghiam cih leh Pawlpi sung kipawl na tuamtuamte ahi (*Activities of Catholic social services* leh *Caritas* kipawl na cihte akipan), gamvai kipawl na leh khantoh nang kipawlkhawm nasepna akipan, Pawlpi min tawh nasepna kipawl na khempeuhte ah, liangko kikimna omlo in, thuneihna zatkhialhna te hangin, kitelkhialhna, ki-et khialh na, buaina, gamlumna, kitot kiselna pan kipan, minam khat le khat, gam khat le khat kikal nangawnah gal le sa pianna thu te hongom hi. Hih bangthu te tungah ei Catholic te in i Pawlpi mintawh nasepna tuamtuamte akipan, midangte tawh nasepna te ahi, ***itna minkivawh nasepna*** te khempeuh Pasion thutawh kituaka, i sep i bawl theihnang, Pawlpi leh Pasion min athang zat leh adaisak hilo zawin, Pasion mintawh mite tungah utbang in pau in, utbanga agamta te hi loin, asiangtho, a etlawm, Pasion nasepna te asem tawntung ihih theihnangin Alianbel Siampipa ii honghilhna ahihi.

Tuabang thu hoih thumanpha honghilhnate ah, Christu Topa nuntakzia, Christu Topa honggen thu leh, ama ii mihing ahih naleh Pasion ahihna thuthuk leh thuman thutak te etteh in, itna nasep asem dingin hongsapna zong ahihi. 'Pasion in mihing hong suakin eite lakah hong om hi' cih thuthuk lung ngaih ding leh hih thuthuk pen Christian nasepna khempeuh ah i bul leh i zung hong suaksaknuam hi. Banghanghiam cih leh Mihing hongsuak Pasion ahi, Jesu Topa in mihingte ading in bangci bangin phattuumna bawla, bangci bangin mite huha,

bangci bangin mite nuntakna lamsanghiam cih thute Lungdam na Laisiangtho ahi Mate, Maku, leh Luka te sungah teltakin honghilh hi ci-in, Alianbel Siampipa in, Laisiangtho Kammal te kammal in mawkbei saklo in, gamtatna i suahsak nang hong hilh hi.

Caritas in Veritate sungah, Alianbel Siampipa - Benedict XVI in, Pawlpi mintawh nasepna te (*Catholic social servies*) a et ciangin thuman lohna, diktat lohna te mu in, beisaknuam ahihmanin, Pawlpi in mite nuntak na'ngtawh kisai hanciam nate leh nasepna te ah i kisapna te phawkkik in, Pawlpi hong hilhna leh Pawlpi deihna bangin i sep nading, thu khauhtak honghilh hi. Asiangtho Catholic Pawlpi mintawh nasepna khempeuh ah, mite hauhnang, veng leh pam leh minam hauh nang ngimna leh geelna himasa lo in, haksat gentheihna athuak mite, deidanna leh paampaihna athuak mite tungah Pasion piak nuntakna ahi Leitung nuntakna leh Vantung nuntakna piak zawhna'ng ahihi. Leitung nuntakna leh vantung nuntakna cih ciangin, gilkiel dangtak te ann le tui vaihawmsak ding leh, tua ann le tui te leh phattuamna te, angahna uhtawh, upna lamah khuamusak ding, theisakding cihna ahihi.

Topa Jesu in mi tulnga ann avakna ah hita leh, tullu avakna ah hita leh, anungta Pasion thu ahihlh dikdek khittak ciangin Leitung ann piapan hi. Tua mahbangin *Caritas in Veritate* in, eite zong mite huhna'ng Pawlpi mintawh nasepna te ah, ann le tui vai hawmsak masa dinghilo in, Pasion thu muam masa in, Pasion thu hilh masa ding hong theisak hi. Khua khatah Leitung nuntak na'ng tuinakkkhat i piak ciangin, tua tui hong piankhiatna, hongpia pa theihsak masak ding ahihi. Ahi zongin *Caritas in Veritate* hong hilhna tawh kileh bulh in, tu hun ciangin, mite in tui project, inn project masak in, Pasion thu nunun tawntung ahih manin, *Caritas in Veritate* - Itna in Thuman thutak tawh nuntakna - dingpan in, deihloh pen ahi, itna nasepna hangin muhdahna leh ki etkhialhna te hong piang in, ki deidanna ki nawlkhinna leh thuman lohna

(*inequities and injustice*) hong piangsak hi cihna thu honghilh hi.

Deus Caritas Est - Pasion in ki-it na hi a, *Caritas in Veritate* - Itna in Thumanthutak ahih manin, itna nasepna khempeuh ah, thumanthutak a omding thu apelmawh leh ahamawh ahihi. Pasion in Itna ahih manin, itna nasepna khat peuhpeuh ah, Pasion thu kigenmasa in, kihilh masa in, ki lungngai masa ding hi. Pasion thu genlo, hihlo, upna sungah makaih masa lo in, itna nasep semdinga akipan te in, *social workers* hi-in, *Caritas in Veritate* honghilh natawh hong ki tuahloh ding ngaihsuthuai hi cihthu honghilh ahihi.

References:

Benedict XVI, Encyclical, *Caritas in Veritate*, 29 June 2009.

John XIII, Encyclical, *Pacem in Terris*, 11 April 1963. nos. 134-35, 137.

Pope Benedict XVI, "Fighting Poverty to Build Peace" no. 1, World Day of Peace 2009.

Stephen J. Pope, "Benedict XVI's *Deus Caritas Est*: An Ethical Analysis," in *Applied Ethics in a World Church: The Padua Conference*, ed. Linda Hogan . (Maryknoll, NY: Orbis, 2008), pp. 271-77.